



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Extrema desperantium dementia cauenda.

urn:nbn:de:hbz:466:1-45686

men, in vino, jactare, &c, tanquam rem bene gestam, glorianter prædicare non veritus sit: homo indoctus, superbia inflatus, & omnis commonitionis impatiens. Nimirum hæc Dei esse judicia, aiebant, vt, qui toti ciuitati fuerit scandalum, idem etiam toti ciuitati fieret exemplum; atque ab huius exitio sapere disserent, qui, si ab Ecclesia, pecunias, & pingues census accipiant; si omnibus se anteferant; si fulgeant in tunicis, si sint in poculis fortis, nomini se suo, officioque satisfacere arbitrantur; plusque sibi licere existimant, quām qui vel in aulis profanissimorum Principū, aut in castris audacissimorum militum vitam agitant, sine lege, sine mente. Deniq; aquis, dicebant, meritò diliendum fuisse guttatur, per quod priùs tot vini dolia fluxissent. Tali lessō exequiæ fuerunt illius cohonestatæ, qui mendoſissimis moribus infamis lethi coronidem adjecit. Ita qui omnia sacra rident, in interitu & ipsi ridentur: vt ne tum quidem etiam, cum flere deberent, sine risu sint, sed alieno.

Hi sunt, qui, vt desperatè viuunt, ita & desperatè moriuntur. Nempe quia eundem mortis magistrum admitunt, quem viæ habuerunt. Vtinam Chrysostomum audirent, cuius hæc sunt: *Aduersus desperantes ait Dominus: An non surget, qui cecidit? an qui auertit, non conuertetur? Et rursus: Nolo mortem peccatoris, sed ut conuertatur, & viuat. Et: Hodie si vocem eius audieritis, &c. Et quod latitia sit in calis, cùm peccator penitentiam agit. Multaq; huiusmodi & documenta, & exempla in Scriptura inueniuntur. Ne autem religionis nomine perdamur, illud Pauli dicendum iterum atque tenendum est: Ne nimio dolore, inquit, absorbeamur. Diaboli enim artificio, dolor pro peccatis debitus, fit dolor nimius & immoderatus, non iam ad pœnitentiam ducens, sed trahens ad desperationem, quæ est ultimum omnium scelerum complementum.*

Quantus enim furor est, ne moriare, mori?

Et morte quidem duplici vnius mortis redimere timorem? *Anima prestantis prorsus, ait Antiochus, ac generosa peculiaris conditio ea est, ut quantumcunq; tandem inundent, calamitatum procelle, nullo unquam pacto sinat a se auelli spesi solida anchoram. Ob hoc enim hominis vita περιπτήσιον dicitur; tentationum, seu Piratarum domicilium. At nos, ne sic quidem à Domino deficiamus, quo usque tentatorem jubeat*

x.

S. Chrysost.
hom. 87. in
Matth.

femo-

120 Cap. IX. Aquis in pœnam uti Deum, ipsorum hominum exemplo, semotiū à nobis secedere, & per intolerantiam atque immobilem animi rigorem, vita restituamur tranquilliori. Quod enim peccati genus usquam inneniatur atrocius desperatione? Iudas ille Domini proditor, quād pusilli erat & abiecti animi? quād rūdis & expers conflictu tentationum? Ob hoc enim spem omnem à se cùm abjecisset, insidente in eum inimico, funiculo sibi prefocauit gulam. At Petrus, solida illa petra, non in peccatum impegit? nec mediocre? Verū is, tanquam, qui tales conflictus doctrina experientia didicisset, ob maleloquam negationem, spem neutiquam abjecit: sed lachrymas adhibuit pacarias, apud Dominum, & conciliatrices. Huius igitur imitatione, ad aquas lachrymarum confugiamus, non insiliamus in Barathrum desperationis.

XI.

Athenæus
lib. 10.

Prou. 19. 29.
Sueton. in
Aug.

Prou. 29. 26.

XII.

Quanquam mihi nunc non est animus, vel Caios, vel Cai-nos agitare, aut de erigendis illis in spem, disputare. Illud ostendo, hominum peruersa ingenia, aquas in utilitatem maximam à mundi Conditore datas, in suam ipsorum perniciem conuertere, & se ipsis aquis plectere; cur ergo indignantur, si id erga illos faciat Dei, qui illos plectendi jus habet, ac potestatem? Illi id, cum scelere faciunt, Dei cum laude. Cleomenes Methymnæorum tyrañus lenas, in fassis ligatas, submergi curabat, & laudabatur. Tot lenas, & lenones, & lenocinantes alit terra, & non plectat aqua, judice DEO à quo parata sunt derisoribus judicia. Augustus Cæsar pædagogum ministrósque Caij filij, per occasionem valitudinis, mortisque eius, superbè auaréque, in prouincia, grassantes, oneratos graui pondere, ceruicibus, præcipitauit in flumen. Quod factum inter gloriæ illius decora numerabatur. Et hæsitabimus, trutinâque nostra dignum censemus, si quem, permittente DEO, aquis haustum audiamus? Quis præscribet, vt ignibus potius, aut ferro vtatur, si quem, per aquas vult ad se euocare? aut in fluvio, non in rogo punire? Siquidem *judicium à Domino egreditur singulorum*. Quod si agnoscerent aquis læsi, non essent musca illa insipientiores, impatientioresque, quæ in carnium ollam decidit, & moriens dixit: *Ego tantum bibi, & comedi, & laui, ut hunc saturæ exitum ferre hand molestè debeam*. Cordati est, id quod necesse est, ferre, & boni consulere.

Alia fabella est lepida, &c, ad mores poliendo huic loco admodum